

**FUAFUAGA TATAU MO LE VA'AIA LELEI O
I'A MA FIGOTA**

O LE AFIO'AGA O

AUFAGA

ASO 10 Tesema 2001

SAUNIA:

Pule mamalu a Alii ma Faipule ma tagatanuu o le Afioaga o Samatau ma le Lagolagosua a le Vaega o Faigafaiva o le Matagaluega o Faatoaga ma Faigafaiva.

FAASOLOGA

1. Upu Tomua	3
2. Autu	3
3. Faamatalaga e uiga i le Afioga	3
4. Ituaiga Faigafaiva Taatele	3
5. Tapenaga o lenei Tusi Taiala	4
5.1. Feiloaiga muamua ma le uluai fono ma le afioga	4
5.2. Faatalatalanoaga ma vaega ta'itasi o le afioga	4
5.3. Komiti Faufautua o le faasao	4
5.4. Pasiaina o le Tusi Taiala	4
5.5. Filifiliga o le Komiti.	4
6. Fuafuaga Faataatitia	4
6.1 Faamalositia tulafono faa-le-nuu e faasaina ai faigafaiva le talafeagai e pei o fanaia, avaniukini ma vailaau oona.	5
6.2 Ia taofia faigafaiva mai isi afioga	5
6.3 Ia faasaina ona toe fagotaina i'a ma figota laiti	6
6.4 Ia aoina mai uta alamea ma faatamaia ai	6
6.5 Ia faasaina upega ma tili mataninii	7
6.6 Ia faasaina tuiga ma faamoia	7
6.7 Ia faasalalauina tulafono a le afioga.	8
6.8 Ia unaia faigafaiva i tuaau ma aoaoga faafaigafaiva.	8
6.9 Ia faasaina Faigafaiva e faaaogaina ai Faguea.	9
6.10 Talosaga	9
6.11 Ia faasaina ona toe taina i lalo laau i autafa o vaitafe	10
6.12 Toe iloiloaina o lenei Fuafuaga tataua.	10
7. Komiti o le Faasao o le Gataifale o Aufaga	10
8. Faamatalaga e uiga i le afioga	11
1 Faamatalaga e uiga i le afioga o Aufaga	11
2 Faigafaiva	11
3 I'a ma Figota	12
4 Vaega Taua o le Siosiomaga	12

Tapenaina : Aifiti Viane

1. UPU TOMUA

O faigafaiva i Samoa e taua tele aua o se tasi lea o auala e maua ai le fofoga taumafa aemaise lava i nuu ma afioaga i tua. I le tele o afioaga, latou te le o faatauaina le vaaia lelei o le tamaoiga ma le siosiomaga o le gataifale. O le aumaia ma le faaaogaina o ituaiga faigafaiva faa-onapo-nei e i ai mea manava, upega ma tili mataninii, ma vilaaau oona e faamata faigofie ai ma tele i'a maua ae o loo faatamaia ai le siosiomaga o le gataifale ma ona tamaoiga. O le faatinoina foi o atinae i luga o le gataifale ua faaleagaina ai le tele o nofoaga ma le miliona o meaola o le gataifale.

O le polokalame o le faasaoina o le gataifale na amata mai e le ofisa o faigafaiva i le tausaga 1995. O le faamoemoe o le polodalame ina ia toe tapue mai le tamaoiga o le gataifale ma puipuia ai le siosiomaga.

O taualumaga o le polokalame e aofia ai le soalaupuleina ma le fausiaina o se Tusi Taiala. O lenei Tusi Taiala o loo tamauina ai fuafuaga faataatitia a le afioaga ma le ofisa o faigafaiva. O nei fuafuaga faataatitia e unaia ai le pulea lelei ma fuafua tatau o le faaaogaina o le tamaoiga o Tafatafa ma Matavai.

2. AUTU

O le autu lenei sa faatalalanoaina ma malilie autasi i ai vaega taitasi o le afioaga;

- 1. Ina ia puipuia le siosiomaga o le gataifale ma,**
- 2. Toe faatupulaia le tamaoiga o le gataifale mo tupulaga o le lumana'i**

3. FAAMATALAGA E UIGA I LE AFIOAGA

O le afioaga o Aufaga e i le itu i Sasae o le motu o Upolu ma lona faitauaofai e tusa ma le 1,000 aofia ai matai, tina ma tamaitai, aumaga ma tamaiti. E le aofia ai i latou ua faimalaga atu i atunuu i fafo e i ai Niusila, Ausetalia ma le Iunaite Setete o Amerika.

O Aufaga e i ai lona a'au e mai lava i le itu i sasae seia paia le itu i sisifo. O le umi o le a'au e pea ma le 20-50 mita mai le matafaga. O le mamao o le aau mai le matafaga e tusa ma le 1-2 mita. O le vaega pito loloto o le aloalo e tusa ma le 50-200m i taimi e sua ai le tai ae 50-200m nisi o vaega o le gataifale pea oo ina pe le tai i taimi ae le i afaina i afa..

O lenei afioaga e mamalu tele ona pulega aua e puleaina e Alii ma Faipule o le afioaga. O le aumaga e lava saunia i taimi uma aua le tautuaina a matai, o tina latou te avatua fautuaga lelei mo ni mataupu tau lotoifale o le afioaga.

4. ITUAIGA FAIGAFIIVA TAATELE

E tele ituaiga faigafaiva e mafai ona faatinoina i le aloalo o le afioaga o Aufaga. O nisi o nei ituaiga faigafaiva e i ai matatao, uua malau (toso), ma le faaaogaina o upega (e tele ina faatinoina e alii) mo le fofoga taumafa a le aiga pe faatau foi. O le aoina ma le eliina o figota i luga o le aau o le galuega patino lava lea a tina ma le fanau mo taumafa a le aiga.

O le faatinoina o faigafaiva-le-talafeagai e i ai fanaia, ava-niu-kini ma vilaaau oona ua matua faasaina lava i lalo o le pulega mamalu a Alii ma Faipule. E tutusa lelei lava ma le faaaogaina o tane mauulu ma mea manava (scuba gears) i fagotaga ua matua faasaina lava ona toe faatinoina i gataifale o le afioaga.

O le tele o i'a sa maua i aso ua mavae ua faigata ona maua i aso nei. O i'a o le aloalo e i ai lo, poge ma alogo, anae ma mataleele sa tele ma faigofie ona maua i le 30 tausaga talu ai. E oo foi i figota e i ai le sisi, faisua faapea sea, loli, mamao ma fufufuga sa tele i aso ua mavae. I le taimi nei, o nei i'a ma figota ua pau maualalo le faitau aofai ma e tele ni itula e faaalaina mo fagotaga faatoa maua se meaai mo le aiga, pea faatusatusa i le 30 tausaga ua mavae.

5. TAPENAGA O LENEI TUSI TAIALA

O lenei tapenaga sa saunia lava e alii ma faipule ma tagatanuu o Aufaga faatasi ai ma ni fautuaga ma le lagolagosua a le Ofisa o Faigafaiva o le Matagaluega o Faatoaga ma Faigafaiva. O se ootoga lenei i le tapenaga o lenei Tusi Taiala ina ua maea ni fonotaga sa faia ua taua i lalo.

5.1 Feiloaiga Muamua ma le Afioga.

I le amataga mai o le polokalame, sa faapea ona faatoai mai se finagalo o le Pule Mamalu a Alii ma Faipule i le Ofisa o Faigafaiva e faailoa ai lo latou fiafia e auai i le Polokalame mo le Puipuiga o Gataifale. O le feiloaiga muamua sa faafesootaia lea e le Ofisa o Faifafaiva i le Aso 23 Oketopa 2001. O le aso 29 o Oketopa 2001 sa tauaofia ai le uluai fonu a sui o le Ofisa ma le Afioga o mo le faamalamalamaina ma le taliaina o le polokalame.

5.2 Faatalatalanoaga i Vaega e tolu.

O le taua o lenei faatalatalanoaga ina ia vaevaeina le afioga i vaega e iai matai, tina ma aumaga. O nei vaega e tolu sa faatalatalanoaina e sui o le Ofisa o Faigafaiva. O le autu tonu o nei faatalatalanoaga ina ia mafai e le afioga ona faailoa mai faafitauli o loo aliae mai le siosiomaga o le gataifale o Aufaga. Sa faapea foi ona sailia ai ma ni aafiaga ma ni mafuaaga o nei faafitauli. O ni fofo, faatinoga ma i latou e faatinoina nei fofo sa faailoa mai.

5.3 Komiti Faufautua o le Faasao:

O le matafai o le komiti faufautua o le tuu-faatasia lea o faamaumaga ma faamatalaga mai vaega taitasi ma sa mafai ai ona latou tapenaina se ata faataitai o le Tusi Taiala.

5.4 Pasiaina o le Tusi Taiala.

O le faagasologa ato o nei fuafuaga fa'aatitia a le afioga e aofia ai foi ma fuafuaga fa'ata'atitia e lagolagosua mai ai le ofisa o faigafaiva.

O lenei Tusi Taiala sa tuuina aloaia i le fonu a matai e sui o le komiti faufautua ma sui o le ofisa o faigafaiva mo le pasiaina ma amata faatino ai loa galuega ma matafai o le vaega taitasi. O le fonu foi lea e filifilia ai loa ma le 'Komiti o le Faasao' e taitaia le faagaioiga o fuafuaga ua uma ona fa'ata'atitia.

5.5 Filifilia o le Komiti o le Faasao

O le komiti o le faasao sa filifilia mai i vaega taitasi i taimi o faatalatalanoaga, latou te mataituina fuafuaga faataatitia a le afioga. E maea loa le pasiaina o le Tusi Taiala o le a faafesootai lava le ofisa ma le komiti i tulaga uma lava e manaomia ai le fesoasoani e pei ona autasi ma tamauiina i le Taiala.

6. FUAFUAGA FAATAATITIA

O fuatuaga faataatitia o ni gaioiga ua faamoemoe e faia ina ia foia ai faafitauli ua faaalua ma faailoa mai e vaega eseese o le afioga. E lua (2) ituaiga o fuafuaga, ma o le fuafuaga ua aupito sili ona ta'ua o ;

- **Fuafuaga faataatitia a le Afioga.**

O le isi vaega o fuafuaga faataatitia o le ofisa o faigafaiva ma o nei fuafuaga o le tuuina atu o fuatuaga ma fesoasoani ini nisi auala e pei o aoaoga ma le tufatufaina o pepa o faamatalaga i mataupu e fesootei i le gataifale. O galuega uma lava e faatinoina e le ofisa o faigafaiva e ao ona faamaonia e le faatonu lagolago (Assitant Cheif Executive Officer) a le matagaluega o faatoaga ma faigafaiva.

I taimi o faatalatalanoaga i vaega taitasi, e tele ni mafuaaga sa faailoa mai ae auga lava i le faafitauli ogaoga o le faaititia lea o i'a ma figota i le aloalo ma aau o le afioga o Aufaga.

O mafuaaga ma o latou aafiaga i le siosiomaga o le gataifale sa faapea ona iloiloaina ma sailia. O tali o faafitauli ma fofo poo auala e foia ai na iloiloaina foi i faatalatalanoaga. E le gata i lea sa faailoa mai ai foi ma vaega latou te faatinoina nei galuega.

O le vaega i lalo o le a auiliiliina atu ai atoatoa fuafuaga fa'ata'ititia sa aoina mai i vaega taitasi ma tuu faatasia e le komiti faufautua ma le lagolagosua a le ofisa o faigafaiva

Tulafono Autu Tau Faigafaiva (1988) : O le tulafono a le Malo o Samoa e;

- (1) Faasaina o Faigafaiva-le-Talafeagai,
- (2) Faamalosia ai le Laiseneina o Vaa-Fagota.

Tulafono Faatonutonu Mo Le Laiti Faatapulaaina mo I'a ma Figota (1995) : O le tulafono lea e faatapulaaina ai le laiti o i'a ma figota, ma le fuaina o mata-upega.

Tulafono Laiti : O tulafono a le nuu ma afioaga ua amanaiaina e le Faamasinoga.

6.1 Faamalosia Tulafono Faa-lenuu e faasaina ai Faigafaiva-le Talafeagai e pei o fanai'a, ava niukini ma vailaau oona.

Otootoga

Na faaalua e vaega taitasi i taimi o faatalatalanoaga o loo faaaauuina pea le faaaogaina e faifaiva o fanaia, ava niu kini ma vailaau oona i fagotaga. O nei faigafaiva-le-talafeagai ua mautinoa lo latou tulaga ogaoga i le faatamaiaina o le siosiomaga o le gataifale, e pei o ia laiti aemaise o nofoaga taua mo meaola o le sami e iai amu. O le faaleagaina o le gataifale mai nei ituaiga auala faa-faigafaiva e umi ma tele se taimi e toe faafoi ai i le lelei sa i ai.

Fuafuaga faataatitia a le afioaga

Talu ai ona o le tulaga pagatia ua iai le gataifale o lenei nuu o Aufaga o lea na ae ai se finagalo autasi i le komiti faufautua ina ia matua faamalosia tulafono a le afioaga e faasaina ai faigafaiva-le-talafeagai e pei o fanaia, ava-niukini ma vailaau oona. O le puipuiga ma le faamamaluina o nei tulafono o le a i aao lava o le pule mamalu a ali'i ma faipule faatasi ai ma le lagolagosua a tagata nuu o le afioaga.

Fautuaga

la toe faamalosia ma faamamaluina tulafono ua taua i lalo a le afioaga mo le faasaina o faigafaiva le talafeagai.

Tulafono

Mo le mamalu o le atunuu atoa ai ma tagatanuu o Aufaga:

Ua matua faasaina faigafaiva-le-talafeagai e pei o fanaia, ava-niukini ma vailaau oona ona toe faatinoina i gataifale o le afioaga o Aufaga amata mai i le tuaoi i Sasae e oo atu i le tuaoi Sisifo o le afioaga.

Faasalaga

Mo tagata o le afioaga e solia lenei tulafono, o le a faasalaina i le \$100.00.

O tagata mai isi afioaga o le a faasalaina i le \$500.00 a le usitaia o le a molia sao i le Tulafono Autu Tau Faigafaiva ma le Tulafono Laiti a le ofisa o faigafaiva.

Fuafuaga faataatitia a le ofisa o faigafaiva

O le a fesoasoani le ofisa i le tufatufaina o pepa o faamatalaga i faigafaiva-le-talafeagai aemaise ai o le faatinoina lea o suesuega ma moliaga o tagata ua faamaonia lona faatinoina o nei faigafaiva i le faamasinoga a le Malo o Samoa.

6.2 Ia Taofia Faigafaiva mai isi Afioaga.

Otootoga

Ua maitauina le toatele o tagata mai isi afioaga ua latou fagotaina gataifale o le afioaga o Aufaga. Ua le gata i lea, ua latou faatamaia foi le gataifale i ni auala le talafeagai ma ua utiuti ai le tamaoiga e maua mai aloalo o lo o faalagolago i ai le afioaga.

Fuafuaga faataatitia a le afioaga

Ua faaalua mai e le Komiti le tatau ona faia o se tulafono e faasaina ai nei faigafaiva le talafeagai. O le autu moni o leei tulafono ona o ei faigafaiva mai isi afioaga o loo aumaia faigafaiva le talafeagai ma faatinoina i lo latou gataifale ma faaleagaina ai.

Ua i ai se fuafuaga a le afioaga o le a faia se tulafono e faasaina ai tagata mai isi afioaga ona fagotaina o latou gataifale.

Tulafono

Ua matua faasaina lava tagata mai isi afioaga ona toe fagotaina gataifale o Aufaga e faaogaina ai faigafaiva le talafeagai e pei o fanaia, ava niu kini, vilavaa oona, faatasi ai ma le faaogaina o lama moli-uila ma mea manava.

Faasalaga

Mo tagata o le afioaga o le a auala mai ai tagata fagotaga mai isi afioaga ma solia lenei tulafono, o le a faasalaina i le \$500.00

O tagata mai isi afioaga o le a faasalaina i le \$1,000.00 a le usitaia o le a molia sao i loa Tulafono Laiti o faigafaiva a le afioaga.

Fuafuaga faataatitia a le Ofisa

O le a lagolagosua le ofisa i le suesueina ma le faatinoina o moliga o le ua soli-tulafono i le faamasinoga a le Malo o Samoa.

6.3 Ia Faasaina ona toe Fagotaina I'a ma Figota Laiti.

Otootoga

O le tele o afioaga ua latou faaalua mai le toatele o faifaiva latou te fagotaina mai i'a ma figota laiti. O le mafuaaga lea ua vave faaitiitia ai i'a ma figota, ona ua le maua se avanoa e tautuufua ma fanafanau ai nei meaola.

Fuafuaga faataatitia a le afioaga

Ua i ai le fuafuaga a le afioaga o le a lagolagoina le tulafono o faigafaiva mo le lapopoa faatapulaina e fagotaina ai i'a ma figota.

Tulafono

Ua matua faasaina ona toe fagotaina i'a ma figota laiti mai le gataifale o Aufaga, o loo malu puipua i le Tulafono a le Malo ma le Polokalame Faasao .

Faasalaga

Mo tagata o le afioaga o le a solia lenei tulafono o le a faasalaina i le \$100.00.

O tagata mai isi afioaga o le a faasalaina i le \$500.00 a le usitaia o le a molia sao i le tulafono a le malo.

Fuafuaga a le Ofisa o Faigafaiva

O le a fesoasoani le ofisa mo le tapenaina o tulafono laiti e faasaina ai le fagotaina o i'a ma figota e laiti ifo nai lo le fua faatapulaa o i'a ma figota aemaise pepa o faamatalaga e faamalamalama ai le puipua o le fagotaina o i'a ma figota laiti.

6.4 Ia Aoina mai Uta Alamea ma Faatamaia ai.

Otootoga

O le alamea o se meaola o le ituiga o le aveau ma e nofo i luga o le aau. O lenei meaola e na te aiina meaola niniua ua taua o POLIPE o loo tutupu mai ai amu. A oo ina faateleina le alamea o le a faapena ona latou faatamaiaina se vaega tele o le aau ma aveai o se tulaga pagatia. O le a aafia ai le tele o meaola o loo faalagolago i le aau mo nofoaga ma meaai. E le mafai ona faa-umatia le alamea i le vaevaeina o lona tino i le sami aua e mafai e nei itu tino ona faatupuina mai ai nisi alamea fou.

E pau le auala e mafai ona tapeina ai lenei meaola o le aoina mai lea i uta i le pau matu e faamagoina ai pe tanuina foi. E mafai ona faaaogaina lenei meaola o se faalelei eleele mo faatoaga ma mea toto.

Fuafuaga faataatitia a le afioaga

Ua faailoa mai e le afioaga o le alamea o se tasi lea o mafuaaga o le pe o le amu o le gataifale. E aafia ai foi le soifua o tagata faifaiva ma ua fautuaina ai e le komiti faufautua ina ia faatinoina le aoina i uta mo le faatamaiaina o lenei meaola faalafua.

Fautuaga

Ua fautuaina e le komiti faufautua o le aoina mai i uta o le alamea, o le a faatinoina lava lea e tagatanuu o le afioaga. O le faatinoina o lenei fuafuaga o le a aoina tai-ono masina alamea ma aumai i le pau-matu e faatamaia ai ma faaogaina ai mo le faalelei eleele.

Fuafuaga faataatitia a le ofisa

E leai se polokalame a le Malo ua fuafuaina e totoi ai le faatamaiaina o lenei meaola vagana ai ni fautuaga e fesoasoani atu ai le ofisa i auala talafeagai e tineia lenei meaola faalafua e ala atu i Pepa o faamatalaga ua maea ona saunia ma o le a tufatufaina atu.

6.5 Ia Faasaina Upega ma Tili Mataninii.

Otootoga

O le faaaogaina o upega ma tili mataninii ua maitauina le tele o i'a laiti ua faatamaia ai. Ua i ai le talitonuga o le a oo atu i se tulaga faaletonu i'a maua pe a faaaauina pea nei ituaiga faigafaiva. O le a oo ina faaitiitia i'a ma figota e mafai ona oo atu lo latou lapopoa e maua ai le avanoa e fanafanau ma tautuufua ai.

Fuafuaga faataatitia a le afioaga

Ua faailoa mai e le komiti o le faaaogaina o upega ma tili mataninii, o se tasi lea o mafuaaga ua faaitiitia ai i'a maua i le gataifale. O lea ua aiaia ai loa se tulafono ina ia faasaina ai upega ma tili mataninii ona toe faaaogaina i fagotaga i le gataifale o le afioaga. Ua faapea foi ona faaalua mai e le afioaga lo latou matua lagolagoina o le Tulafono Faatonutonu o Faigafaiva a le Malo ua i ai nei mo le faatapulaaina o mataupega ma tili.

Tulafono

Ua matua faasaina lava ona toe fagotaina upega tatao e i lalo ifo o le 2 inisi (50 mm) lona mataupega faapea foi ma tili ia le i lalo ifo o le 1.2 inisi (30 mm) i gataifale o Aufaga.

Faasalaga

O soo se tagata o le afio'aga e solia lenei tulafono o le a faasalaina i le \$100.00. Mo tagata mai isi afioaga o le a molia ma faasalaina i le \$500.00 a le usitai o le a molia sao i le tulafono Autu a le Malo o Samoa.

Fuafuaga faataatitia a le ofisa

O le lagolagosua mai a le ofisa o faigafaiva e ala i lana polokalame fesoasoani, o le tuuina atu lea o faamatalaga e saga faamautuina ma faamaopoopoina ai lenei tulafono.

6.6 Ia Faasaina Tuiga ma Faamo'a.

Otootoga

O amu ua maitauina lona taua i le siosiomaga o le gataifale ona ua mautinoa ua avea lea ma nofoaga o figota ma i'a faapea ma isi meaola o le sami. Afai o le a faatamaiaina amu o lona uiga, ua afaina foi le tele o meaola o loo nonofo ai. O tu'iga poo fa'amo'a o se tasi lea o faigafaiva e le talafeagai ua matua faaleagaina ai amu aemaise i'a ma figota laiti. Afai ae faaaauina pea nei ituaiga faigafaiva o lona uiga o le a sili atu ona tele se afaina o amu o loo fai ma ofaga ma nofoaga o i'a ma figota o le gataifale.

Fuafuaga faataatitia a le Afio'aga

Na faaalua e vaega taitasi o le Afioaga e ui lava ina le toe vaaia lenei ituaiga o faigafaiva, peitai e tataua lava ona faia se tulafono e faasaina ai tu'iga ma fa'amo'a i gataifale o Aufaga. O nei manatu faaalua sa matua lagolagoina e le komiti ma aiaia ai loa le tulafono e pei ona taua i lalo.

Tulafono:

Mo le mamalu o le atunuu atoa ai ma tagatanuu o Aufaga. Ua matua faasaina lava faigafavia le talafeagaia e pei o fanaia, ava niukini, ma vailaau oona ona toe faatinoina i gataifale o Aufaga amata mai i le tuaoi Sasae e oo atu i le tuaoi Sisifo o le afioaga.

Faasalaga:

Mo tagata o le afioaga e solia lenei tulafono, o le a faasalaina i le \$100.00

O tagata mai isi afioaga o le a faasalaina i le \$500.00 a le usitaia o le a molia sao i le Tulafono Autu o Faigafaiva a le malo o Samoa.

Fuafuaga faataatitia a le Ofisa o Faigafaiva.

O le a fesoasoani le Vaega o Faigafaiva mo le faamautuina ma le faamalositia o lenei tulafono. O le a mafai foi ona tuuina atu ni pepa o faamatalaga e uiga i mea uma ua taua. E lagolagoina foi e le Ofisa soo se fuafuaga a le Afio'aga ua talafeagai lelei ma le tulafono mo le faasaina o amu.

6.7 Ia Faasalalauina Tulafono a le Afioaga.

O faasalalauina i leitio, televise ma nusipepa o nisi ia o auala talafeagai lelei e momoli atu ai ni feau taua aemaise ai o le faalateleina o ni fuafuaga ua saunia. E le gata i lea, o le a silafia ai e le mamalu o le atunuu, malamalama ma manino lelei i le aotelega o le faatauina, ma le malu puipua o le siosiomaga o le gataifale o le afioaga.

Fuafuaga faataatitia a le Afio'aga

Ua faaalua mai e le komiti le taua ole faasalalauina o tulafono a le afioaga ua faamoemoe ma faagaga mo le puipua o le siosiomaga o le gataifale ma ona tamaoaiga. O le komiti o le a latou faamaopoopoina aemaise le le tapenaina o faasalalauina e faatatau i tulafono e puipua ai le siosiomaga o le gataifale ma le vaaia lelei o i'a ma figota.

Autu o le Faasalalauina "Puipua o le Gataifale o Aufaga"

Fuafuaga faataatitia a le ofisa o faigafaiva

O tulafono uma a le afioaga mo le puipua o le gataifale e tataua ona sainia e le Faatonusili o le Matagaluega o Faatoaga, ma Faigafaiva le Susuga i a Seumanutafa Ioakopo Malaki. Ina ia mafai ona avea ai ma tulafono laiti o Faigafaiva (by-laws). O faasalalauina o nei tulafono o le a gafa lea ma le Ofisa o Faigafaiva.

6.8 Ia unaia Faigafaiva i Tuaau ma Aoaoga mo Faigafaiva.

Otootoga

E mafai ona faaleleia le tamaoaiga o i'a ma figota maua i aloalo, aau ma vaega o le gataifale ua faaleagaina. Pe afai ae faaititia le fagotaina o nei vaega o le gataifale, ia poo le unaia o tulaga tau faigafaiva i tuaau ma aau mamao.

Fuafuaga Faataatitia a le Afioaga

Ia talosagaina le Ofisa o Faigafaiva ina ia faatinoina se aoaoga i auala tau faigafaiva e aoaoina ai le autautai o le nuu ma ia faatautaia e se Alii Ofisa o Faigafaiva ua i ai se tomai faapitoa tau faigafaiva.

Fuafuaga Faataatitia a le Ofisa o Faifaigafaiva

O le a iloiloaina e le Ofisa o Faigafaiva manaoga i auala tau faigafavia e ao ona fesoasoani ai e aoaoina ai le mamalu o le autautai o le afioaga. O itu taua o le a aafia i nei aoaoga e pei o le teuina ma le vaaia lelei o i'a, saogalemu i luga o le sami, tausiga o afi vaa, faasaina o i'a, ma isi lava mataupu taua. O nei fesoasoani uma o le a faataunuuna pe afai o le a faa-talosagaina mai e le afioaga.

Faamatalaga Faaopoopo

Vaa mo fagotaga i tuaau: O le leai o ni vaa talafeagai mo fagotaga i tuaau o le ala lea ua avea ma vaegase i le unaia o faigafaiva i tuaau. E leai se vaa fagota e i le va o le alia ma le paopao, ma o se vaa i lea va ua talitonuina o le a talafeagai, ua filifilia ai le vaa e i le va o le 14-16 futu, o lona tau e \$9,800, tuufaatasi i ai ma loa afi (15 HP) ma nai mea fagota, o le taula, ofu faaola mo le saogalemu i luga o le sai, ma foe. O loo i ai se fesoasoani a le Faalapotopotoga a le Iuni a Europa (EU) mo le faatupeina o le 65% o le tau atoa o le vaa (\$9,800), o le 35%, o le sao lea o se afioaga poo se faalapotopotoga ua auai i le polokalame a le Vaega o Faigafaiva.

O lenei ituaiga vaa e mafai ona faaauvaaina e i tagata se toalua pe toatolu foi, ma e mafai ona faaogian lenei vaa i faigafaiva i tuaau. O le a faia foi ni aoaoga mo le saogalemu i luga o le sami, teuina ma le vaaia lelei o i'a, tausiga o vaa atoa ai ma faiga o mea fagota.

6.9 Ia faasaina fagotaga e faaogaina ai fague.

Otootoga

O le faaogaina o moli uila ma mea manava i faigafavia ua molimauina ai le tele o i'a ma figota e mafai ona fagotaina mai ai ua i ai le talitonuga o le a oo atu i se tulaga faaletonu i'a ma figota maua mai i le gataifale pe a faauuina pea ona faaogaina nei ituaiga o mea fagota. O le a oo ai ina faaititia i'a ma figota e mafai ona oo atu lo latou lapopoa e maua ai le avanoa e tautuufua ma fanafanau ai.

Fuafuaga faataatitia a le afioaga

Ua fautuaina e Alii ma Faipule atoa ai ma aumaga le taofia ma faasaina loa le toe faaogaina o moli-uila ma mea manava i faigafaiva (lama). Ua autasi foi le afioaga o le a fausia se tulafono e faasaina ai le toe faaogaina o nei ituaiga faigafaiva i fagotaga i po i gataifale o le afioaga.

Tulafono

Ua matua faasaina ona toe faaogaina nei ituaiga faigafaiva i fagotaga i le gataifale o lenei afioaga.

Faasalaga

Soo se tasi o le afioaga e aumaia pe faaauaia mai ai foi se tagata fagota fague i totonu o lenei nuu o le a faasalaina i le \$100.00. O tagata mai isi afioaga e faaogaina nei faigafaiva i le gataifale o Aufaga o le a faasalaina i le \$1,000. A le usitaia o le a olia i le tulafono o Faigafaiva.

Fuafuaga faataatitia a le ofisa

O le a fesoasoani mai le ofisa e auala lea i faamatalaga e faamalamalamaina ai lenei mataupu mo le silafia o le afioaga. E le gata i lea a o le a fesoasoani le ofisa i suesuega ma moliaga o le ua faamaonia o loo solia le tulafono i le faamasinoga a le Malo.

6.10 Talosaga

O nei talosaga ssa mafai ona faia ona tuuina mai e sui ole afioaga, sa auai i fonotaga ma le Ofisa o Faigafaiva i taimi o faatalatalanoaga i vaega e tolu. O talosaga uma foi la ua tuuina mai sa faamautuina e le Komiti i le latou fonotaga ma le Ofisa. Pe a talafeagai, o nei talosaga o le a mafai ona iloiloaina e le Ofisa o Faigafaiva mo le faaunuuna pe a maea le taliaina o lenei tusi e le Pule Mamalu a Alii ma Faipule i le Fono tele e faia i le aso 10 Tesema 2001. O talosaga uma sa tuuina mai o loo faailoa atu i lalo.

- Ogasami faasaoina
- Faisua
- Tilapia
- Vaa fagota
- Aoaoga i mea tau faigafaiva (eg) Aoaoga i le olaga faanatura o le faisua.
- Ma isi figota

6.11 Ia faasaina ona toe taina i lalo laau i autafa o vaitafe.

Otootoga

O le taina i lalo o laau i autafa o vaitafe, ua avea lea ma faapogai o le palapala tafia mai uta ma agai atu i le sami. O nei palapala o loo filogia mai faatasi ma nisi o (fetilaisa) poo faalelei elele o loo faaogaina e faifaatoaga mo a latou faatoaga. E mafai e nei palapala ona faatupuina ai le vaovao/limu ua tele ina faaleagaina ai le tele o meaola o oo ola i le sami. Ua le gata i i'a ma figota ae ua faapena foi ona faaitiitia ai amu i le gataifale.

Fuafuaga faataatitia a le Afio'aga.

Ua faaalua mai e le Komiti faufautua mo le vaaia lelei o ia ma figota, o se tasi lenei o mafuaaga ua ala ai ona faaitiitia i'a ma figota. O le manatu o le komiti ua tataua ona faia i ai se fuafuaga a le afioaga ae le i o'o ina faateleina ma avea o se tulaga e le mafai ona faia i ai se fofo. O lea ua matua fautuaina ai e le Komiti tagata o le afioaga o Aufaga ina ia taofia loa ma faasaina lenei fuafuaga o le taina lalo o laau i le vaomatua aemaise i autafa o vaitafe.

Tulafono :

Ua matua faasaina lava ona toe soona taina i lalo laau i tafatafa o vaitafe o lenei afioaga o Aufaga.

Faasalaga

O tagata o le afioaga na te solia lenei tulafono o le a faasalaina i le \$100, ao tagata mai isi afioaga o le a faasalaina i le \$500 a le usitaia o le a molia sao i le tulafono o Faigafaiva o a le Malo.

Fuafuaga faataatitia a le Ofisa o Faigafaiva.

O le a mafai ona faia pea ni tautalaga ma ni polokalame faa-le-aoaoga ina ia faamalamalamaina ai atili tulaga uma e ono foia ai le faafitauli ua taua i luga.

6.12 Toe iloiloina o lenei Fuafuaga Tatau

Otootoga

O le toe iloiloina o lenei Fuafuaga Tatau o le Vaaia Lelei o i'a ma figota o le afio'aga e sailia ai le agai i luma o le polokalame i totonu o nuu ma afio'aga, aemaise se auiliiliga maumaututu i le tulai mai o galuega fai a le afio'aga ma le Vaega o Faigafaiva i le faataunuaina o Fuafuaga Faataatitia e pei ona taua i luga. O lenei foi iloiloiga e lipotia ai le alualu lelei ma ni faaletonu i totonu o le Polokalame talu ona faavaeina i totonu o afioa'ga. E le gata i lea o ni vaega e fia faia iai ni suiga fou e pei o le toe teuteuina o tulafono ma le faamautuina o matafaioi a itu uma o le polokalame.

Fuafuaga faataatitia a le Afio'aga ma le Ofisa o Faigafaiva

Ua i ai le maliliega a le Komiti (KFVL) a le afio'aga ma le Vaega o Faigafaiva o le a toe auiliiliina lenei Fuafuaga Tatau pe a maea le ono (6) masina talu ona pasia lenei tusi i le Fono Tele. O le a feutaga'i lava le Vaega o Faigafaiva ma le Tofi o le afio'aga ma le Komiti i se aso o le a atofaina pe a atoa le ono (6) masina.

7. KOMITI O LE FAASAO O LE GATAIFALE MO AUFAGA

Matai	
1	Salefao Pesalali (Pulenuu)
2	Talaifono Tavai
3	Papa Leota Fiso
4	Fiamē Faitele
5	Fiutofia Niko
6	Fiutofia Sa

8. FAAMATALAGA O LE AFIOAGA

Faamatalaga 1 : Faamatalaga e uiga i le afio'aga o Aufaga.

Faamatalaga	Aofaiga
Faitau aofai o tagata o le afioaga	>1000
Aofaiga o Aoga i lenei Afioaga	1
Aofaiga o Lotu i le Afioaga	EFKS
	Mamona
Umi o le aau o le afioaga (mita)	20-50 mita
Mamao o le aau mai le matafaga	20 mita
Loloto (futu) o vaega e aupito sili ona loloto o le aloalo pe a pe le tai.	50-200 m
Loloto (futu) o vaega e aupito sili ona loloto o le aloalo pe a pe le tai i taimi ae le i afaina i le afa.	50-200 m

Fa'amatalaga 2 : Faigafaiva

Faamatalaga	Aofaiga
O le aofai o tane fagogota i le sili atu ma le tasi le aso i le vaiaso.	>30
O le faitauaofai o tina faifaiva e fagogota i le sili atu ma le aso i le vaiaso.	>10
O le aofaiga o tagata e fagogota i tuaau mai le tasi aso i le vaiaso.	>10
O le aofaia o paopao e faaaogaina mo faigafaiva i totonu o le afioaga.	2
O le aofaia o alia fagogota o loo faaaoga mo faigafaiva o le afioaga.	0
E faatagaina ni tagata fagogota mai nisi alalafaga e fagogota i lo outou gataifale?	Leai.

Fa'amatalaga 3 : I'a ma Figota

Ituaiga i'a	Ituaiga faigafaiva	Taimi fa'aalu i fagotaga	
		Taimi nei	10 tausaga
Fuga	Mata	3-4 itula	30 minute
Poge	Mata	3-4 itula	30 minute
Alogo	Mata	3-4 itula	30 minute
Malau	U'au'a	3-4 itula	30 minute
Manini	U'au'a	3-4 itula	30 minute
Ituaiga figota			
Alili	Lama	1-2 itula	30 minute
Aliao	Lama	1-2 itula	2-3 minute
Faisua	Fasi	1-2 itula	30 minute
Isi Faigafaiva		Isi taumafa o le sami	
		Taimi faaalu 10 tausaga ua tuanai (Hrs)	
Seuseu	Sea	2 itula	
Matatauta	Pipi	2 itula	
Afaafaloloa (tuaau)	Mamao	1 itula	
Toso	Loli	1 itula	
Fana tu'u'u	Fugafuga	1 itula	

Fa'amatalaga 4 : Vaega Taua o le Siosiomaga

VAEGA TAUA O LE SIOSIOMAGA MO FAIGAFAIVA.		
<u>Vaega</u>	<u>Vaega taua (sikuea mita)</u>	<u>Taimi nei</u>
Togatogo	leai	leai
Amu	1/4 o le aau	3/4 o le aau atoa
Vaovao o le sami	aau atoa	leai se mea sa i ai